

Samþykkt þessi sem hreppsnefnd Aðaldælahrepps hefur sett samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

*Félagsmálaráðuneytinu, 22. desember 1999.*

F. h. r.  
**Sesselja Árnadóttir.**

*Elín Blöndal.*

## **GJALDSKRÁ**

### **fyrir kattahald í Sveitarfélaginu Árborg.**

1. gr.

Eigendur katta í Sveitarfélaginu Árborg skulu greiða bæjarsjóði skráningargjald samkvæmt gjaldskrá þessari, sem er ætluð til að standa undir kostnaði við framkvæmd samþykktar um kattahald í Sveitarfélaginu Árborg, nr. 773/1999, sbr. 2. gr. hennar.

2. gr.

Við umsókn um skráningu kattarins skal innheimta gjald að upphæð kr. 400.

3. gr.

Gjaldskrá þessi er samþykkt af bæjarstjórn Árborgar með vísan í samþykkt um kattahald í Sveitarfélaginu Árborg nr. 773/1999 frá 10. nóvember, staðfestist hér með samkvæmt 25. gr. laga nr. 7/1998, um hollustuhætti og mengunarvarnir, til að öðlast gildi þegar við birtingu.

*Árborg, 16. desember 1999.*

**Karl Björnsson** bæjarstjóri.

## **SAMÞYKKT**

### **fyrir gatnagerðargjald, stofngjald holræsa, stofngjald vatnsveitu og byggingarleyfisgjald í Sveitarfélaginu Árborg.**

1. gr.

Af öllum lóðum og nýbyggingum og stækkunum eldri húsa í Sveitarfélaginu Árborg, hvort sem er á eignarlóðum eða leigulóðum skal greiða gatnagerðargjald til sveitarfélagsins samkvæmt samþykkt þessari. Um gatnagerðargjald fer að öðru leyti eftir lögum um gatnagerðargjöld nr. 17/1996 og reglugerð um gatnagerðargjöld nr. 543/1996. Einnig skal greiða vegna sömu framkvæmda stofngjald vatnsveitu skv. lögum um vatnsveitur nr. 81/1991, stofngjald holræsa skv. lögum nr. 15/1923 og byggingarleyfisgjald skv. lögum nr. 73/1997.

## 2. gr.

Tekjum sveitarfélagsins vegna gatnagerðargjalda skal varið til gatnagerðar og til þess að gera lóðir í einkaeigu byggingarhæfar sem og til að gera sveitarfélaginu kleift að bjóða byggingarhæfar leigulóðir í sveitarfélaginu. Einnig til að standa undir kostnaði við endurbyggingu gatna með tilheyrandi lögnum, við lagningu bundins slitlags og gangstétta, gerð umferðareyja, gangstúga og opinna svæða.

Tekjum sveitarfélagsins vegna stofngjalds vatnsveitu skal varið til vatnsveituframkvæmda og tekjum vegna stofngjalds holræsa til holræsaframkvæmda. Byggingarleyfisgjald er til að standa undir hluta kostnaðar sveitarfélagsins við þjónustu skipulags- og byggingarfulltrúa við lóðarhafa og byggingaraðila.

## 3. gr.

Gatnagerðargjald er tvíþætt. Annars vegar er það vegna lóða sem ekki hefur verið veitt byggingarleyfi á áður við gildistöku þessarar samþykktar, þ.e. nýjar lóðir, og hins vegar vegna stækkunar á eldra húsnaði á þegar byggðum lóðum við gildistöku samþykktarinnar, þ.e. eldri lóðir.

a) *Gatnagerðargjald vegna nýrra lóða.*

## 1. Einbýlishúsalóðir

kr. 4.200 pr. m<sup>2</sup> margfaldað með nýtingarhlutfalli lóðar.

## 2. Parhúsalóðir

kr. 2.500 pr. m<sup>2</sup> margfaldað með nýtingarhlutfalli lóðar.

## 3. Raðhúsalóðir

kr. 2.200 pr. m<sup>2</sup> margfaldað með nýtingarhlutfalli lóðar.

## 4. Fjölbýlishúsalóðir

kr. 1.600 pr. m<sup>2</sup> margfaldað með nýtingarhlutfalli lóðar.

## 5. Atvinnu- og iðnaðarhúsalóðir

kr. 3.000 pr. m<sup>2</sup> margfaldað með nýtingarhlutfalli lóðar.

## 6. Verslunar-, skrifstofu- og þjónustulóðir og aðrar, sem ekki eru sérstaklega taldar annars staðar

kr. 4.200 pr. m<sup>2</sup> margfaldað með nýtingarhlutfalli lóðar.

## 7. Hesthúsalóðir

kr. 2.500 pr. m<sup>2</sup> margfaldað með nýtingarhlutfalli lóðar.

Gjald þetta breytist í samræmi við breytingar á byggingarvísitölu sem Hagstofa Íslands reiknar út. Grunnvísitala miðast við október 1999, 236,7 stig.

b) *Gatnagerðargjald vegna eldri lóða, sem úthlutað hefur verið fyrir gildistöku samþykktar þessarar.*

Af hverjum rúmmetra húss greiðist ákveðinn hundraðshluti byggingarkostnaðar pr. rúmmetra fjölbýlishúsa eins og hann er hverju sinni reiknaður af Rannsóknarstofnun byggingariðnaðarins og Hagstofu Íslands.

Einbýlishús með eða án tvíbýlisaðstöðu, lágmarksgjald reiknað af 450 m <sup>3</sup> ....	6,5%
Sama rými umfram 550 m <sup>3</sup> .....	8,5%
Bifreiðageymslur á einbýlishúsalóðum .....	3,25%
Rað- og parhús .....	5,5%
Bifreiðageymslur á parhúsalóðum .....	2,25%
Fjölbýlishús .....	2,25%
Iðnaðarhús í skálabyggingum á einni hæð, stærra en 2000 m <sup>3</sup> .....	2,50%
+ kr. 60,00 pr. m <sup>2</sup> lóðar.	

Iðnaðarhús í skálabyggingum á einni hæð, minna en 2000 m <sup>3</sup> .....	2,75%
+ kr. 60,00 pr. m <sup>2</sup> lóðar.	
Verslunar-, skrifstofu- og iðnaðarhús .....	3,75%
Opinberar byggingar .....	6,50%
Annað húsnæði .....	4,75%

## 4. gr.

Stofngjald holræsa kr. 70 greiðist fyrir hvern samþykktan rúmmetra húsnæðis.

## 5. gr.

Stofngjald vatnsveitu kr. 35 greiðist fyrir hvern samþykktan rúmmetra húsnæðis.

## 6. gr.

Byggingarleyfisgjald greiðist skv. eftirfarandi reglu:

- Kr. 30.000 vegna lóða sem eru minni en 1.000 m<sup>2</sup>.
- Kr. 50.000 vegna lóða sem eru 1.000 m<sup>2</sup> til 1.499 m<sup>2</sup>.
- Kr. 70.000 vegna lóða sem eru 1.500 m<sup>2</sup> eða stærri.

## 7. gr.

- Fyrir byggingarleyfi vegna stækkunar á eldra húsnæði skal greiða bæjarsjóði fast gjald kr. 3.000, að auki skal greiða kr. 30 fyrir hvern rúmmetra byggingarinnar. Botnplata skal ekki reiknuð með rúmmáli sbr. ÍST 50.
- Fyrir breytingar á húsnæði eða notkun þess, fyrir að rífa hús eða önnur mannvirki, gerð bifreiðastæða eða önnur þau mannvirki, sem áhrif hafa á útlit umhverfisins, skal greiða í bæjarsjóð kr. 3.000.
- Fyrir byggingar aðrar en þær sem tengjast hefðbundnum búskap og eru utan þéttbýlis, skal auk fastagjaldsins sem er kr. 3.000 greiða kr. 150 fyrir hvern rúmmetra byggingarinnar. Til þessara bygginga teljast m.a. sumarbústaðir, orlofsíbúðir, veiðihús, fjallaskálar, skíða-skálar, sæluhús o.fl.
- Fyrir eftirlit og úttekt byggingarfulltrúa sem leiðir af veitingu stöðuleyfis fyrir hjólhýsi til eins árs skal greiða kr. 4.300 í bæjarsjóð.
- Ef byggingarfulltrúi er að óþörfu kvaddur til eftirlits skal greiða kr. 4.300 í bæjarsjóð.
- Leyfisgjöld verða ekki endurgreidd þótt leyfi falli úr gildi vegna þess að það hefur ekki verið notað innan árs, eða hefur verið fellt úr gildi. Verði leyfið endurnýjað óbreytt skal greiða fyrir það kr. 3.000.

## 8. gr.

Einingarverð gjaldtöku skv. greinum 4, 5, 6 og 7 í samþykkt þessari breytist í samræmi við breytingar á byggingarvísitölu sem Hagstofa Íslands reiknar út. Grunnvísitala miðast við október 1999, 236,7 stig.

## 9. gr.

Gjöld samkvæmt samþykkt þessari skulu greidd innan eins mánaðar frá dagsetningu tilkynningarbréfs bæjaryfirvalda um úthlutun lóðar ef um leigulóð er að ræða en eigi síðar en einum mánuði frá samþykkt byggingarleyfis á einkalóðum og eldri lóðum enda öðlast byggingarleyfið ekki gildi án greiðslu þessara gjalda. Veittur er greiðslufrestur á hluta þessara gjalda skv. sérstakri samþykkt sem bæjarstjórn setur.

## 10. gr.

Gjöld samkvæmt 3., 4. og 5. gr. samþykktar þessarar skulu endurgreidd ef lóðarhafi skilar úthlutaðri lóð eða ef lóðarúthlutun er afturkölluð. Endurgreiðslunni er heimilt að fresta þar til lóð hefur verið úthlutað að nýju en þó ekki lengur en í sex mánuði. Gjöld þessi skulu endurgreidd á nafnverði án verðbóta og vaxta og skuldaviðurkenningar skulu ógiltar á sannanlegan hátt.

## 11. gr.

Samþykkt þessi er samin og samþykkt af bæjarstjórn Sveitarfélagsins Árborgar skv. lögum nr. 17. frá 21. mars 1996 og öðlast gildi þegar í stað.

*Ákvæði til bráðabirgða.*

Ef húseigandi hefur skv. eldri samþykkt um gatnagerðargjöld greitt A-gatnagerðargjald á fullbyggðri lóð og B-gjald hefur enn ekki verið lagt á af hálfu sveitarfélagsins skal það lagt á þegar slitlag hefur verið sett á viðkomandi götu og gatnagerðargjald skv. eldri samþykktum lagt á viðkomandi húseign.

Samþykkt af bæjarstjórn Árborgar, 8. desember 1999.

*Árborg, 8. desember 1999.*

**Karl Björnsson** bæjarstjóri.

**REGLUGERÐ****um rafhlöður og rafgeyma með tilteknum hættulegum efnum.***Markmið.*

## 1. gr.

Markmið reglugerðar þessarar er að takmarka notkun rafhlaðna og rafgeyma sem í eru tiltekin hættuleg efni sem talin eru upp í 3. gr. og að stuðla að endurvinnslu eða skipulegri förgun þeirra.

*Skilgreiningar.*

## 2. gr.

Í reglugerð þessari merkir:

*Rafhlaða eða rafgeymir:* Uppspretta raforku sem myndast við beina umbreytingu efnaorku. Rafhlöður og rafgeymar eru samsett úr einni eða fleiri frumrafhlöðum, sem ekki er hægt að endurhlaða, eða endurhlaðanlegum rafhlöðum.

*Notuð rafhlaða eða rafgeymir:* Rafhlaða eða rafgeymir sem ekki er hægt að nota aftur og á að endurvinna eða farga.

*Söfnunarstaður:* Staður þar sem almenningur getur skilað notuðum rafhlöðum og/eða rafgeymum, t.d. bensínafgreiðslur, ýmsar verslanir og gámastöðvar.

*Gildissvið.*

## 3. gr.

Ákvæði reglugerðar þessarar taka til rafhlaðna og rafgeyma sem í er,

- a) meira en 0,0005% kvikasilfurs (Hg) miðað við þyngd,
- b) meira en 0,025% kadmíums (Cd) miðað við þyngd,
- c) meira en 0,4% blýs (Pb) miðað við þyngd.